

Vischnaunca da Mustér

**Lescha davart ils dis
da ruaus publics**

2024

-
- Art. 1 Camp d'applicaziun
- Art. 2 Dis publics da ruaus, fiastas principalas
- Art. 3 Garanzia dil ruaus public
a) general
- Art. 4 b) fiastas principalas
- Art. 5 Excepziuns
- Art. 6 Temps da lavur
- Art. 7 Scamond fiugs artificialas
- Art. 8 Castitgs
- Art. 9 Vigur

Art. 1

Camp d'applicaziun

¹Questa lescha fixescha ils dis publics da ruaus sin igl intschess dalla vischnaunca da Mustér e reglescha la protecziun dil ruaus public durant quels dis.

²Prescripziuns divergentas e cumpletontas ella legislaziun federala e cantunala restan resalvadas.

Art. 2Dis publics da ruaus,
fiastas principalas

¹Sco dis publics da ruaus valan:

- a) las fiastas principalas (Venderdis sogn, Pastgas, Tschuncheismas, Rogaziun federala e Nadal);
- b) las dumengias ordinarias ed ils firaus statals (Daniev, Gliendisdis-Pastgas, Anceinza, Gliendisdis-Tschuncheismas, empren d'uost e sogn Stiafen);
- c) ils firaus locals (sogn Giusep, Sontgilcrest, Nossadunna d'uost e Numnasontga).

²Il cussegl da vischnaunca ha la cumpetenza dad adattar ils firaus locals allas relaziuns semidadas.

Art. 3Garanzia dil ruaus
public
a) en general

Ils dis publics da ruaus ein tuttas activitads scumandadas, che disturban quei di il ruaus e la dignitad commensurada, il survetsch divin ni che violeschan il sentiment religius dad autras personas, specialmein:

- a) occurrenzas, lavurs e funcziuns colligiadas cun canera ni cun autras immissiuns disturbontas, surtut ella vischinonza da baselgias durant ils survetschs divins;
- b) lavurs da construcziun, scavaments e lavurs semegliontas;
- c) lavurs dil funs e d'auul cun resalva digl art. 5 lit. b;
- d) il casegliar.

Art. 4

b) fiastas principalas

Las fiastas principalas eis ei plinavon scumandau:

- a) arranschaments da recreaziun;
- b) presentaziuns da teater;
- c) arranschaments da sault publics;
- d) exerchezis da sittar;

- e) occurrenzas sportivas;
- f) tener aviert stizuns da vendita, priu ora pasternarias, apotecas e kioscs.

Art. 5

Lubidas duront ils dis publics da ruaus ein specialmein:

Excepziuns

- a) lavurs necessarias en interpresas ch'ei dependentas d'in menaschi permanent;
- b) lavurs ell'agricultura per pover animals e dependentas dall'aura, aschilunsch ch'ei exista il prighel che la raccolta vegn svaletada ni lavagada;
- c) survetschs e lavurs ch'ei necessaris per mantener l'offerta turistica;
- d) lavurs urgentas en cass d'accidents e catastrofas; il tener aviert las stizuns.

Art. 6

Las prescripziuns legalas davart il temps da ruaus pils luvriers restan resalvadas. Il cau dil menaschi ei responsabels che las prescripziuns legalas davart il temps da lavur e la reglamentaziun da lavur fixadas els contracts vegnien observadas.

Temps da lavur

Art. 7

¹Duront igl entir onn ei per motivs dil schurmetg digl ambient e dils animals sigl entir intschess dalla vischnaunca scumandau da barschar fiugs artificials che caschunan canera (rachetas etc.).

Scamond fiugs
artificials

²Fiugs artificials sco sbrenzlas ni vulcans restan lubi.

Art. 8

Surpassaments dallas prescripziuns cantunalas e communalas davart ils dis publics da ruaus vegnan punidas entras la suprastonza communalas cun in castitg da frs. 200.- entochen frs. 1'000.--.

Castitgs

Art. 9

¹Questa lescha va en vigur suenter ch'ella ei acceptada dil pievel.

Entrada en vigur

²Cun la vigur da questa lescha ein tuttas anteriuras prescripziuns cuntrarias cassadas, en special la lescha davart paus e ruas per fatschentas e negozis per la vischnaunca da Mustér dils 19 da zercladur 1983.

Acceptau dil pievel ella votaziun all'urna dils 28 da november 1999.

La cumpletaziun dalla lescha cun art. 7 ei vegnida approvada dil cussegl da vischnaunca en sia seduta dils 20 da zercladur 2024. Cunquei ch'igl ei buca vegniu instradau il referendum, passa la revisiun parziala dalla lescha en vigur retroactivamein cugl 1. da fenadur 2024.

Il president communal:
René Epp

Il canzlist communal:
Andri Hendry